


C. T. LEO & CO.  
41 EAST 57th STREET,  
NEW YORK, N. Y.,  
U. S. A.











Digitized by the Internet Archive  
in 2016



C. T. LOO & CO.  
41 EAST 5TH STREET  
NEW YORK, N. Y.

NO.

506

HGT.

LENG.

穠梨館過眼錄卷二十九

歸安陸心源伯剛甫編

嘉定侯氏六君子爲義僕賓手書卷

絹本五接高九寸八分長二丈四尺四寸

蟲檻 朱文

專學 學者出於心心爲身之主耳目候於心若心  
不在學則聽誦不聞視簡不見如欲鍊業必先正心  
而後理義入焉夫兩葉掩目則冥默無覩雙珠填耳  
必寂寞無聞葉作目蔽珠爲耳鯁二關外壅視聽內  
隔故其宜也而離婁察秋毫之末不聞雷霆之聲季



子聽清角之韻不見嵩岱之形視不關耳而耳不見  
聽不關目而目不聞者何也心溺秋毫意入清角故  
也是以心駐於目必忘其耳則聽不聞心駐於耳必  
遺其目則視不見也使左手畫方右手畫圓令一時  
俱成雖執規矩之心迴剡劂之手而不能者繇心不  
兩用則手不並運矣奕秋通國之善奕者也當奕之  
時有吹笙過者傾心聽之將圍未圍之際問以奕道  
則不知也非奕道暴深情有暫闇笙獨之也當算之  
時有鳴鴻過者彎弧擬之將發未發之間問以三五  
則不知也非三五難算意有暴昧鴻亂之也奕秋之



奕隸首之算窮微盡數非有差也然而心在笙鴻而  
奕敗算撓者是心不專一游情外勝也瞽無目而耳  
不可以察端於聽也聾無耳而目不可以聞端於視  
也以瞽聾之微而聽察聰明審者用心一也夫蟬難  
取而黏之如掇卷耳易采而不盈傾筐是故學者必  
精勤專心以入於神若心不在學而強諷誦雖入于  
耳而不諦於心譬命聾者之歌雖效人爲之無以自  
樂聲出於口則越散矣

遇不遇 賢有常質遇有常分賢不賢性也遇不遇  
命也性見于人故賢愚可定命在于天則否泰難期



命運應遇危不必禍遇不必窮命運不遇安不必福  
賢不必達故患齊而死生殊德同而榮辱異者遇不  
遇也春日麗天而隱者不照秋霜被地而蔽者不傷  
遇不遇也昔韓昭侯醉卧而寒典冠加之衣覺而問  
之知典冠有愛於己也以越轂之故而加誅焉衛之  
驂乘見御者之非從後呼車有救危之意不蒙其罪  
加之以衣恐主之寒呼車憂君之危忠愛之情是同  
越轂之愆亦等典冠獲罪呼車見德遇不遇也鵲墮  
腐鼠非虞氏之慢鉗冰沃地非姑射之穢事出慮外  
固非其罪而俠客大怒虞氏見滅邾君大怒而射姑



獲免遇不遇也齊之華士棲志邱壑而太公誅之魏  
之干木遁代幽居而文侯敬之太公之賢非有減於  
文侯干木之德非有逾於華士而或榮或戮者遇不  
遇也董仲舒智德冠代位僅過士田千秋無它殊操  
以一言取相同遇明主而貴賤懸隔者遇不遇也莊  
姜適衛美而無寵宿瘤適齊醜而蒙幸遇不遇也賢  
不賢性也遇不遇命也怨不肖者不通性也傷不遇  
者不知命也如能臨難而不懼貧賤而不憂可爲達  
命者矣 豫章官舍病餘僮賓捧冊囁嚅乞書劉勰  
二論賓趨走之暇能稍涉文史偶一歌詩欲希青鳥



葡萄之句而一時知交謬相獎評如右軍之稱郗奴  
似覺過情且非余所敢承也但其性近硜執自詡臨  
事勿欺臨財不苟臨勞無讓徐察所爲固亦近之且  
夫人物喜筆墨故當與蟻附鴈攫者有間特爲破格  
書此以堅其志俾終無愧於自詡者而已 庚辰孟

秋七月廿三日廣成居士識

豫 瞻氏

白文

廣朱文

閑家箴 漢畜扈養晉遣綱紀應門五尺在家干指  
昔以罪入今唯義使食人之食勸人之事勿謂身微  
勿謂道鄙吾思克終有則有矩唯巧甯愚毋愚而惰  
以惰爾課唯頑甯才毋才而狡以叛厥耄我思古人



在卑不少匪域之殊唯人之効牧羊維侯斫石維王  
執鞭太尉報讎宅鄉彼實異逢非我思同監於齊虜  
視彼趙忠銀鹿命僕典琴字童無以奔走而懟紙筆  
捧劍吟詩咸陽之卒蒼頭善文郗公之室無以安寵  
而飾溫腴收綸鼓枻隨張於漁蓬首長鬚亦惟事廬  
無恃而勢恥爲人下倚竇虐种卒禍主者守亢如寡  
維園公之呼司馬無怨而貧而有貳心苟僕之貧主  
之賢仁擇才而終身惟病奴之事蕭君無狃而趨而  
競樗蒲王誠覆斗陶訶牧猪醉酒而賞我不古俱無  
攫而欲而好營逐張隸納賂王奚食肉我以其清彼

以其濁堂堂而翁是服是共役役而儕是輯是諧無  
以久貫惟勤之替無以分曹卽安避勞無託辛勤而  
因事爲勳無挾寵顧而昵尊忘素陳之地餘雖文不  
法平頭提箱旣勤乃拙雄翹士風次孫忠節人之報  
主能各有甲唯臧爾心用敬厥業非爾勛勛亦我之  
須三世余僕族曰華腴 家人者其職甚細然家道  
昌替悉係焉故用作箴名之曰閑家大其義也久欲  
以告僮輩無可與解者適僕賓持素冊乞書遂錄于  
後謂其知近筆紙也亦有勛焉 庚辰七月廿八日

客南楚書

幾 白文  
道



中堂有奇樹鬱若華蓋姿蔭敞餘數畝託根勢莫移  
風霄挺嚴節陵臨覆桑楸其上輯百羽其下藂華滋  
攀緣盈蘿葛萋萋來繞之中條頗秀舉鼃陰垂清麤  
結附倚明德詎云懷溥私歲久勢且長風雨相扶持  
願言直爾心爲爾固其枝修修愈結束不學羣條靡  
一夕雷雨作龍蛇奮如馳相輔永茂芳千齡以爲期  
右南州署中賦得古柏示僕賓作賓頗能學吟其  
志乃亦自好余常謂人不可以言亦不可以無志  
夫竭誠去私不勞怨是舍充此志也雖以事君無不  
足而賓顧卽以自許今其侍我父廿餘載矣而不見



其隙厥言未謂無徵予既作此詩示之且譽且勛焉  
則復進前而告之曰維爾之言繄爾之志維爾之志  
繄爾之事繼事而徵其曷有既賓悚然曰賓識之舊  
矣敢不唯命是繼遂書其語時南州官舍中秋之月  
涼雨初過試筆

字白文  
雲俱

倣曹子建樂府當事君行

六五言

鬱鬱彼山上松

扶危蔭中林烈風來何脩脩勁節難爲心

解一

青青彼

園中葵託根何不遙願爲君子陳心希陽而傾條

解二

貞松可用樹木葵能衛其足枳棘填彼幽谷摧枯亦

良促巧詐祇令身敗哲人忠自祿

解三

秦虜猶賢魏羹



多巧者寡誠日月昭昭旣明不掩彼青蠅露雨紛紛

各榮不悛彼稿莖今君何用自嫌竭蹶以酬生

四解爲

臣良云獨難有胸孰無情貽訓鑒觀六術智哉彼劉

生古人何爲拙誠後世傳其名

五解

古事君行不可

考子建代之篇短而貧余倣其意循其句格而廣其

篇體雜用比興爲一首五解意有遠託不知于古人

離合何如時庚辰秋南昌官舍雜倣古樂府所作偶

僕賓乞書冊因寫付之賓頗習詩工書疏且其立志

較然似有出諸臧奚外者余旣嘉且勗焉又進與之

言詩樂有鄭康成家風爲識數語以勵其卒八月之



九日書

智 白朱文  
含氏

瞿室

白文

賓僮侍伯兄將卅年其侍余亦猶侍伯兄未嘗有斯  
須怠色亦可想見其忠愼矣伯兄視學西江時余亦  
追隨官下親見賓司筦鑰內外傳宣惟謹旣而駕水  
之役去里門一衣帶藏名恆恐不深偶假歸有營弁  
操舟數里外致其款款語漸及私賓援古義拒之辭  
色俱厲今夏五伯兄赴國難出門夜宿葛隆逢暴客  
伯兄躍入水中賓宛轉相抱良久得脫此皆大節之  
可見者若夫性耽文史工于駢偶言能佐記室所不



逮又其餘事耳兩世贈筆賓將悉示子孫余復贅題  
數語見賓自有以得之非主人之私所好也 崇禎

甲申秋仲書于仍貽堂中

侯 朱白文  
雍瞻

夫處世末流爲人下以事其上未有不出於勢利之  
途者故主人都貴顯席豐牕僮指恆繁庶私心所祝  
俾百廿年而昌而熾傳類相上競爲炫侈廣廈曲房  
金珠綺縠其主人寶嗇累禩弗敢踰越彼則旦暮崇  
飾不遺心力自謂子孫之謀如是足已往往主眷未  
移僕嗣先隕耳目睹記可勝太息若乃德義是勛超  
然流俗之外其性情其行事皆合于主人之所尙不



亦難哉賓固儒肩從吾世父垂卅年未嘗一日不在  
側世父正氣清風居官以退爲節方在南曹辭北銓  
謝臺諫出爲藩臬而世父有喜色及在嘉禾以大  
廉特拜京兆旋膺新天子銀臺之命而世父有戚容  
唯賓亦然吾是以知其所見者大且遠非復女子小  
人煦沫寵澤之情也已至其介性自持勤學好問詩  
歌啟牘彬彬文士之風而雜處羣伍樸遯無以自異  
粗衣糲食三十年如一日近始于所居旁擴一楹遂  
巡請命若有愧色及觀其締構簡略粗草僅足安身  
而止視夫雕淫僭侈以忘其本者相去奚翅萬萬哉



通者奴變起于江東訛言孔亟三世蒼頭盟牲矢義  
罔有二心然余觀世降風移童穉弗逮于典型詛盟  
之設三代其衰乎余用惴惴毋敢荒甯賓持此冊來  
余讀而歎曰是所謂如帶如礪者耶金簡玉書不足  
爲其榮矣賓齒方剛其尙努力進德爲綱爲紀爲楷  
爲則吾將觀于爾後大書特書所不悞焉賓姪秀弱  
體盡勞至死不懈余重惜之子德愔雅有父風詩曰  
克昌厥後并勛諸  
崇禎十七年九月五日記原書

侯印 朱文  
玄訪

黎美周富貴圖卷



引首絹本高一尺二分  
分長三尺七寸六分

春風生意圖

香樹居士錢陳羣題

錢陳白文  
特進朱文  
羣印  
司寇

圖緞本設色高同  
長三尺五寸八分

崇禎癸未三月吉番禺黎遂球製

黎遂白文  
美朱文  
球印  
周

純白文  
元龍朱文  
軒之印

題緞本高同  
長二尺五分

蘇城黎美周擅鄭虔之三絕以黃牡丹詩得名致有  
狀元之目閒爲染翰所製富貴花俱多天香國色摹  
寫最精茲卷向在龔尙書芝麓先生家收藏有年不  
輕示外人一昨從皖江歸往訪辱承見眎展翫莫能



釋手頻行漫書數言於後以盡雅意并藉附不朽云

順治二年歲在乙酉春王正月十日 江東布衣

程邃

程印 白文 穆朱文 倩

又綾一接高同  
長四寸二分

亞春風 朱文騎縫  
館所藏

程恭壽跋不錄

卞文瑜山水軸

紙本高二尺九寸八  
分廣一尺一寸二分

甲戌秋日 卞文瑜

卞印 白文 潤朱文  
文瑜 甫

畫中九友卞司空煙樹晴嵐點筆濃鼻祖由來推北

苑繪林千古有宗風

西廬老人王時敏

王時 白文  
敏印



煙朱文  
客

書樵朱文  
所藏

宛堂朱文

卞文瑜淺絳山水軸 歸安李氏藏

紙本高三尺九寸  
一分長一尺一分

閉戶著書多歲月種松皆作老龍鱗昔有虞卿樂於  
著書名垂千古今 先生謝客却塵日闔扉坐真不  
啻古虞卿矣聊畱小景以博一粲云乙亥仲春卞文

瑜識

下文白文  
瑜印

先生萬里一歸人染得峨眉雪髯新解欲空囊看長  
物青瑣一片尙隨身 林壑幽深結數椽不知伏臘  
是何年門人喚起無他事獨掩松牕草太玄 無恙社



弟陳繼儒爲虞卿先生題

醞儒

朱文連珠

落落長松覆短楹  
濤聲消盡世間情  
閒中却笑華陽老  
猶有山中宰相名  
社弟文桺爲  
虞卿尊丈題

桺

朱文

長朱文

潤甫特稟瓊瑤資  
錫嘉肖德兼肖姿  
孝友至性帝所私  
詩書禮樂無不宜  
憶余相逢年少時  
聲名藉甚人調飢  
相逢莫逆擬輿犁  
汪汪一水曾不移  
何言干祿遠別離  
歸來局卧空相思  
青松庭際儼芝眉  
神交往往夢寐追  
忽捧綵筆從天遺  
開緘寫我摩詰詩  
小閣棲遲那可比  
千尋商嶺插天遶  
五株秦松織廣帷  
靈



芝異草滿路陲煙雲窈窕逕迤逦杳然世外神仙居  
幽人來此結蓬茨牕中獨坐緋衣羸不是許由及卞  
隨定是善卷子州支對此不覺心神怡躁者已靜險  
者夷先生寸管瘳俗醫盪挽變幻任所之劉裒寒熱  
安足奇曾是魏齊梁因兒蘭馬名同實則歧豈余素  
有竇成癡屢招瘦周樂令疑故人知君君若斯亂爲  
解嘲還解頤先生果謂卿爲誰 崇禎八年二月廿  
七日辱先生見貽此幅次日走筆長歌奉報并戲解  
虞卿之嘲餘興附書存稿大明學人薛益書曰朕虞

薛氏 朱文 廣文 朱文  
虞卿 先生



日撫長松出世塵煙霞土木想風神甯止掩關工著

述應是義皇已上人 社末史北斗為虞卿先生題

侵翁

白文

劉氏寒 朱文 碧莊印

寒主 朱文 人碧

第京劉 朱文 氏家藏

蓉 朱文 峯

李長蘅設色山水軸

紙本高三尺四寸廣八寸四分

丁卯冬日畫 李流芳

李印 白文 流芳

長 白文 蘅氏

李檀園設色山水卷

紙本高七寸九分長八尺九寸

癸亥秋日寫於檀園吹閣李流芳

長 朱文 蘅

李印 朱文 流芳

李長蘅雪景軸

歸安李氏藏

紙本高二尺四寸  
四分廣八寸七分

甲子臘月十三日歸自吳門大雪彌日舟過城南見  
留光樹色冒雪含煙頗不乏致輒畫此紙李流芳

李朱文  
流芳 長 白文  
衡氏

蕭蕭疎疎木落草短高樓有人衣火浣轟飲大嚼歌  
聲緩我煨黃獨坐土剉寒涕不收如懶 二 瓚 二 見我

時時左袒 眉公題 眉白文 二 腐白文 楊式酉朱文 茗上章朱文  
公 儒 圖書記 長物

李長蘅仿黃子久山水軸

灑金紙本高二尺八  
寸五分廣九寸二分

丁巳夏五坐雨蕉屋爲 子羽兄仿黃子久筆李流



芳

李印 白文  
流芳

李長蘅水墨樹石軸

紙本高二尺六寸一分  
廣一尺四寸二分

李流芳

李印 朱文  
流芳

亭皋木葉下隴首秋雲飛

柳渾句王筠用以題口

長蘅用以寫圖

眉公

眉公 朱文  
齋 白文  
儒

片雲常似客拳石欲聞禪

周裕度題

周印 白文  
裕度

李流芳山水軸

紙本高三尺六寸一分  
廣八寸九分

丁卯秋日畫於檀園蘿壑

李流芳

李印 白文  
流芳

清溪遶茆屋古樹散高林山空絕塵鞅伐木有道音

雁門文枏題 端朱文

溪山書隱 文從簡題 文印 白文 文朱文 白藻朱文 珍玩

東吳王 鍾澤藏 書畫記 朱文

程孟陽臨雅宜山齋圖軸

紙本水墨高二尺八寸三分廣九寸

青螺層出浮雲外古木修林碧蔭中只要詩人相管

領不教風雨四時空 臨雅宜山齋圖即用陳惟寅

山水畫法 程嘉燧 孟朱文 陽

程孟陽山水軸 歸安李氏藏



紙本高二尺八分廣一尺八分

崇禎庚辰二月孟陽畫于拂水山居

程印 白文  
嘉燧

邵僧彌仿唐六如軸

紙本高三尺九寸廣一尺三寸五分

仿子畏先生於長水龕

邵彌

僧 白文

邵 朱文

邵僧彌水墨山水為顧仲昭作軸

紙本高三尺一寸七分廣九寸九分

知君高拂遂初衣  
參鶴栽梅息世機  
身卧西山徐孺

在名留東海魯連歸  
草堂客滿黃花笑  
竹閣卮浮紫

蟹肥六十朱顏還更健  
扁舟來往釣魚磯  
丁卯九

秋過吳門與顧仲昭昆季話別醉後作戲以贈 瓜

疇老人邵彌

邵彌 白文  
之印

邵瓜疇泉隱圖卷

紙本水墨高六寸  
八分長四尺四分

崇禎歲甲戌春三月上浣觀趙文敏泉隱圖仿佛爲

此 瓜疇邵彌識

邵彌 朱文  
之印

彌 朱文

瓜疇 朱文

琛 白文

貽白軒 朱文

跋紙一接高同長  
三尺三寸六分

慨獨 白文  
在予

僧彌別予已閱五載昔年哭之至不忍詩今日僧彌



宜哭予矣。翛然長逝，天奪僧彌。早所以厚僧彌也。此觀泉圖，彷彿松雪翁筆。若使松雪翁當時如僧彌之，不永年其聲價不更增十倍乎？乃知僧彌之與松雪，書法畫品則畧相似，而遭遇相去遠甚。友人索題，因識卷末。

丙戌秋文柟

耑朱文無白文

雲秀

白文

僧彌爲勵吾金先生快壻仲遵其內弟也。仲遵家胥江之滄，春秋佳日，僧彌輒沂游從之，茗香靜好，文詠留連，興到偶拈弄筆墨，然性極疎簡，不受促迫，卽有經營率未便，竟以是雖至親密，數相過從而紙上雲

煙不可多得此卷本摹唐子畏筆意而端文乃謂彷彿松雪翁殆不勝存沒之感今昔之憤也歟惟古勳華馥世尙有洗其耳者明明利眼浮雲蔽之庶幾千尺寒泉差堪寄兩顆烏珠關覽否者亟掩而走耳蓬心蒿目爲之泣然 丙戌八月朔題于採薇寮 河

南方夏

方夏白文之印

南明朱文氏

石赤 朱文

昔大癡翁爲無塵道人作一畫未竟閱十三年復歸魯士瞻始足其筆論者謂此亦幸耳蓋有時爲事所奪或非意所欲爲有置之動踰歲月久而亡去者僧



彌畫之艱得幾幾近之乃爲仲遵構此圖便得滿志  
僧彌往矣筆墨愈貴且自亂後仲遵所藏散去八九  
而此卷巋然獨存其足欣慶寶惜又當何如也 丙

戊中秋日題於石湖禪舍

耿庵明襄

臣朱文不白文  
襄 寐

跋紙高八寸  
五分長四尺

瓜疇先生作畫極少余生平僅見兩卷此其一焉筆  
墨閒散翛然有出塵之槩尤可貴也 道光元年歲  
次辛巳立夏日梧岡張懷鳳觀於 秋航同年靜寄

東軒並題

張懷白朱文  
鳳印 梧 白文

邵瓜疇寫唐人詩意冊 徐仲筵運判藏

絹本設色共十頁每頁高九寸九分廣七寸八分

第一頁

落花寂寂啼山鳥楊柳青青渡水人

邵彌白朱文  
之印  
彌朱文

第二頁

行到水窮處坐看雲起時  
凝陸叔平筆

邵彌白朱文  
之印

僧朱文  
彌

第三頁

水迴青嶂合雲度綠溪陰  
做米家法

彌朱文  
僧白文  
彌

第四頁

石欄斜點筆桐葉坐題詩

彌朱文  
僧白文  
彌



第五頁

空山不冗人但聳人語響遠景入深林復照青苔上

邵彌白朱文  
之印  
彌  
僧白文

第六頁

一榻坐臨水片心閑對雲

彌  
朱文  
僧朱文

第七頁

秋山無雲復無風西樓看月出深松草堂不閉石床

靜葉間墮露聲重重

彌  
朱文  
之印  
邵彌白朱文

第八頁

澗芳襲人衣山月映石壁

邵彌白朱文  
之印  
彌  
僧白文

第九頁

黃葉覆溪橋荒村惟古木

邵彌白朱文 僧朱文之印 彌

第十頁

松月生夜涼風泉滿清聽 為暑所苦松月生涼之

境令人夢想故復寫此不厭其重出 僧彌 白朱文連珠

翁壽如山水冊

引首紙本兩頁長一尺三寸高六寸三分 泉朱文 桂梯朱文 藏之章

壽如逸品 趙魏題 趙魏私印 朱文

紙本設色山水共十頁高五寸二分長六寸二分對題尺寸同

第一頁



翁白文  
陵

對  
題

碧桃花下野人家綠樹層陰屋半遮疊疊山青世外

眼相看許我獨棲霞

中國白文  
男子  
桂梯真朱文  
賞之章

第二  
頁

翁白文  
陵

對  
題

柳色依依綠到船江花江岫自年年小橋儘有通幽

處人道深居著恁顛  
丙午人日

延氏白文  
密  
王印白文  
雨謙

第三  
頁

翁白文

對題

怪石層臨僻裏村  
清泉活活靜無喧  
入山更慮煙霞薄  
茅屋家家盡閉門  
丙午人日題

雨白文  
謙延朱文  
密

壽芝賞朱文  
鑒書畫

第四頁

翁白文

對題

淡淡青空冒窅峯  
斷虹落澗半嵐封  
幽人坦步還扶

杖爲怕貪看綠樹濃

中國白文  
男子



第五頁

翁陵 白文

對題

亂峯如舞碧相鉤遠近楓花百里秋若謂不如春色  
豔空亭縱好少人遊 逍遙園主人題 潛岡 白文

第六頁

翁陵 白文

對題

山秋不復世間青天外層峯淡欲冥寒菊滿籬紅樹

老幽泉百調座中聽

延密 朱文

第七頁

翁白文

對題

空山寂寂報秋容  
水畔芙蓉著意濃  
何用過橋分野

色停橈坐看忽成慵  
丙午人日

雨白文  
謙密  
延朱文

第八頁

翁白文

對題

秋老深林樹樹紅  
嵐浮素氣斷遙空  
前山似似娟難

數驢背吟詩若處工

中國白文  
男子



第九頁

翁白文

對題

梅花樹樹飛晴雪恰伴寒松雪裏青一徑尋來誰氏

予幅巾猶見舊時簪

延密 朱文

第十頁

壽白文 翁白文

陵

對題

怪殺江山忽改觀閉門且自學袁安嶺頭獨有雙松

秀好與孤清話歲寒 丙午人日逍遙園主人題

桂梯 朱文

王錫 朱文

峻生 白文

兩 白文

延 朱文

跋紙高六寸二分  
分廣五寸一分

白岳 朱文

壽如運筆高妙以晉魏書法行之于畫蒼老之內時  
帶秀冶正似桃源中人上古衣冠照映左右日在花  
竹溪壑中與童稚雞犬醉舞婆娑遂使宋元諸公不  
得踞席自大真奇觀也道人策杖隰西煙雲出沒雪  
霜往還時時與壽如畫遇輒復欣然有喜為題數語  
後之君子得此冊者知桃源中人未嘗不在人境也

庚寅春壽道人題于香茅

萬壽 朱文



跋紙高六寸二分  
廣六寸三分

翁陵壽如閩之建甯人工畫能詩小楷圖章分書皆  
有意致飲稱大戶滿面酒痕然卽甚醉亦無少酒態  
人慙就之每置酒高會無壽如弗歡也君畫初多閩  
氣寄迹秣陵從程端伯少司空遊畫乃一變已又移  
家公路浦時彭城萬年少孝廉亦移此晨夕過從畫  
又一變壽如畫屢變遂臻極境江以南翕然稱翁陵  
翁陵云娶小妻將終于淮上已忽思歸携家從陳階  
六使君返及歸而廬舍不存親舊死亡殆盡復悽然  
欲還公路浦江南酒伴亦恆望其來然老矣又空囊

不能出戶也 甲子臘月朔偶在郡中購得翁壽如  
畫冊王延密題詩萬道人跋尾卽錄周櫟園讀畫錄  
一則 頻水居士書于張氏考寓

此冊左方爲白岳山人題詩山人姓王氏名雨謙崇  
禎舉人國變隱居不仕居山陰之潞莊予以戚誼數  
至其家有名東巖別墅者題額巋然卽山人故居也  
予嘗求其遺墨不可得對此益增前哲典型之想仲  
夏二日再識

蕭山來本 朱文 蕭山 白文  
未鑑藏記 來氏

穰梨館過眼錄卷二十九終



穰梨館過眼錄卷三十

歸安陸心源伯剛甫編

八大山人畫冊

紙本十二頁每頁高八寸五分長  
七寸九分對題十二頁高長同

第一頁水墨  
芙蓉雙鉤竹

□□□□

冊

沅齋

朱文

一枝開木末江上怨冷冷爲問春風面醉得幾時醒

朱容重

容重白文  
之印  
莊  
子朱文

第二頁水  
墨蘿菴

□□□□

八大山人

可得白文  
神仙

人間桂花落夜靜春山空月出驚山鳥時鳴春澗中

牧行者

飯白文  
牛

第三頁

水墨菜

黃竹園書畫八大山人

嘯園

白文

塗來數葉分枯淡隨意毫端墨潤新生趣未須迎雨  
露綠牕人對倍精神 丁丑夏日江上叟偶題

李印

白文

朱文

彭年

庵

第四頁水

墨荷葉



□□□□□

白文

蜀齋

朱文

放翁詩不錄

丁丑夏日南州彭廷典書

彭廷典印 白文

漢朱文

第五頁水  
墨蘭花

八大山人

可得白文  
神仙

蘭爲王者香生之於幽谷芬芳繞畫堂聊以佐華祝

梓水劉元兼

元兼 白文  
大朱文  
之印 吉

第六頁水  
墨佛手

八大山人

可得 白文  
神仙

惜陰亭

古閣新成日秋光又畫圖晴江明碧水煙嶂隱方壺  
徑僻人俱澹鄰芳興不孤南豐曾有句遙憶舊時樵

登秋屏閣詩

南州吳起湘書

起湘

朱白文連珠

第七頁水  
墨蘿蘼

□□□□□

加

人皆愛其葉我獨愛其根根好有餘味葉好何足論

謝樵

樵朱文

第八頁  
水墨竹

□□□□□

可得白文  
神仙



存素 朱文

數竿蒼翠出淇園披拂春風次第掀綠蔭堂前多雨

露相看歲歲長龍孫 李惟敬

李印 白文  
惟敬 公朱文  
持

第九頁水  
墨秋葵

八大山人

升 白文

浮生 朱文  
若夢

冷落江邊不記年秋風蕭瑟轉鮮妍問伊誰是煙霞  
侶只愛黃花晚節堅 陸止敬先生句 盱江黃曰

同書

黃曰 白文  
同印 公上 朱文  
甫

第十頁水  
墨水仙

八大山人

加

可得白文  
神仙

硯煙

朱文

形勝芝蘭稱水仙幽牕清翫繞雲煙好將品藻標英

邁古色蒼蒼不記年

李邦憲

李邦 白文 而朱文  
憲印 緣

第十一頁

水墨鸛鵲

八大山人

加

可得白文  
神仙

十硯齋

朱文

蓬界千峯靜梅天一雨清禪庭未可戀聖主寄蒼生

唐句

武江曹鉞

曹鉞 白文 敘朱文  
之印 伯

第十二頁

水墨菊花



八大山人

可得白身  
神仙

物外  
心白文

臘蕊霜頭簇色奇歲寒惟有兩三枝黃金滿地無人

拾留買淵明醉後詩 朱添戴

朱印白文  
載朱文  
添戴  
臣

八大山人人物軸

紙本高二尺八寸  
六分廣四尺八分

摹 朱文

東坡讀樂天詩 不錄

寤歌草堂八大山人書

八大自  
山人文

周  
朱文  
園

心  
朱文  
園

八大山人木瓜軸

紙本高三尺六寸五分廣一尺二分

河陽座上口喃二何處遊僊樹不凡三个木瓜已五

个教人難畫木瓜岳八大山人畫并題

八大朱文  
紫伯章  
所藏自文

周墨農竹軸

紙本三接高六寸八分長一丈三尺一寸五分

呈園 朱文  
辰顛白文  
竹醉

東坡先生無一錢噫笑怒罵揮綠煙今日擬坡聊復  
爾涼風習二似秋天 甲申中秋前一日坐于秋水

堂戲作墨農新

祚新朱文  
之印  
墨農長白文  
口道人



項芝房珍朱文

高濂戴培之友朱文

藏書畫印

藏書畫私印

戴本孝華嶽全圖冊

紙本十二頁每頁高六寸八分長五寸四分對題十二頁高長同

第一頁

水墨

白鹿龕前雪滿坪山蓀亭上月吹笙仙人懶睡惟爭博猶笑希夷浪得名名於先生何有聊爲仙人寓言耳然至今言太華者數百年來雲雷隱隱猶若先生歟呼尙未起也至人與名嶽齊名詎小儒可窺耶  
戊申夏五望本孝識

本朱文

戴培之朱文

家珍藏

自白帝宮舞鳳樓前八華山門行綠陰中十里至雲

臺觀昔焦道廣居此嘗有三青鳥隨之知未然事又  
三里羣石夾流水皆林立曰山蓀亭多有前人石刻  
於廢莽中見數字則文與可題名也亭堞爲希夷先  
生祠褰衣博帶瞿然一古儒者近世黃冠附會之非  
先生本意也禮羣仙殿自秦漢以來凡隱太華得道  
而仙者皆得祀之如秦毛女玉姜魯女生馬明生脩  
羊公漢高恢梁鴻善元仁伯山甫衛叔卿晉王子年  
司馬郊隋楊伯醜唐鄭遨羅隱之杜子華李虞楊稜  
之流是也過十方院玉泉院瞰王莽臺八一天門至  
中方五龍宮上跋石礪望一峯臂忽裂罅數十餘丈



可躡而探也中有白石瑯玕如玉骨相傳希夷遺蛻  
於此命曰希夷峽左麓巨石不知古誰斲室其中峽  
口亦有石屋云爲希夷卧處今則頽立於煙蕪久矣

卓山朱文  
四第

第二頁

水墨

芝農  
攷藏

度峽登塔鉤崖豈卽昭王施鉤梯處耶華山中古名  
多堙失其所卽訊以車箱箭筈皆莫能辨漢碑無一  
存者而嶽志復鮮徵良足令人低回也桃林坪藏馬  
谷昔漢武帝藏神馬其中或曰卽武王歸馬處也撫  
白羊石故有石羊城爲初平遺蹟云魑娑羅坪八渾

元庵小餉擬陟水簾洞二臨懸壁絕磴度人踪所及  
間二尺許斲小坎僅容半趾上垂鐵絙緣以仰躋初  
望以爲艱導余登者嶽廟王道士自然也負巖枕石  
有亭臨洞上水痕苔光錯織崖額而下噴薄如雨復  
跨危梁緣綆穿柵啟闕而入上有茅堂讀書其中者  
爲荆山彭子飯我以麥飪我亦以糗餌餉之而別

臣本 朱文  
布衣 芝農 朱文  
心賞

第二頁  
水墨 朱文

太華凡往來上下者皆不能有三道故復卷衣下水  
簾循通天宮歷十八盤心目所及足力幾不能應矣



旁隔巨澗北巖欹立莫可援乃作石鼻貫鐵綆跨澗  
南北以爲經而緯以橫木曰荷龍橋年深經鐵鏽澀  
木緯朽蝕卽猿掛猶難之矣橋北引巖腰按步劓跡  
如印屐痕尤頗仄不容定立敢回顧耶其上曰太上  
方邃閣幽榭憂玉挺金自非人境所可彷彿山下友  
人嘗欲請余居之未逮也

李孝

朱文

培之朱文  
清賞

第四頁  
設色

帝座三漿倒玉壺蒼龍白鳳舞雲衢問緣何事三青  
鳥毛女琴挑古丈夫

鷹阿山樵

鷹阿

白文

北斗坪在蓮花峯外尤巉峻無比非惟人跡不能至

實無有敢至者中有二洞秦宮人王姜負琴逃居其一服松葉久體遍生毛因曰毛女古丈夫秦之賢者聞始皇滅二周隱姓名入西嶽更居其一二洞中相連卒鮮窺其奧者余行道探之得小結跣片時覺洞壁石香甚異度可藏書數十萬卷真天下第一處也從者蹙蹙先至青柯坪以待遂不獲少留余至始解

囊假炊固寥陽洞

破琴白文  
老生

藏氏  
誠

朱文

第五頁

衆朱文

水墨

聖

翰墨朱文  
聖主人

遊者多至青柯坪輒廢然反矣猶在三峯跼間耳迎仙觀上列小峯曰小畢山左折有團瓢曰救苦茅庵



更上則蹲一巨石猙獰若猛獸不可犯是謂回心石  
仰視崩崖自天而下有英雄進步四大字相傳爲李  
衛公書云卽千尺峽也兩崖縣豁如閭闔微啟中橫  
鐵級千挺左右繼鐵卽當風搖電掣悲響振栗非若  
蟻緣猿掛不克上任臂之力恆倍于踵千尺旣臨百  
尺在望穿峽窺峽直與青冥接武峽端飛亘危橋余  
策筇立其上忽疑此身若生兩翼也緩步造溫神洞  
默坐久之然後賈勇登聚仙臺

《米

朱文

第六頁  
設色

誰叱青牛試一犁白雲滿破石天梯從無虎豹窺閭

闔只有猿猱讓路蹊

本孝

本孝

朱文

前爲仙犁溝崖脊側裂自上而下石墝疊覆宛然犁  
鋒所達阡陌痕也旁亦貫鐵絙引之以升盤辟石磴  
皆極偃僂之狀石罅間多鑄鐵猢猻無數大小各異  
狀命其峯曰胡孫愁不知昔誰好事者爲之也更西  
折見古臺突兀絕巘上臨峭壁插煙杳中無從取徑  
凡啄鐵找于壁間橫偃片木其上度者皆面壁攀絡  
壁鐵綆上摩鼻下觸趾雙踵皆半縣片木外如是三  
四丈許蓋青牛臺也

西顧朱文

增之朱文  
所藏

第七頁  
設色



白雲峯外翠崖偏擦耳嘗過日月邊不是仙人前路  
狹早騎龍脊弄秋蓮我愛王遙刁自然三峯二外  
古青天五舌竹簫間一鼓不經開闢好安眠

衆朱文  
豈

瞰青牛臺仍蹈險回上石天磴越糊孫愁然後見北  
峯二間道士止宿望三峯倏顯倏晦於雲雪星月之  
間聳肩躡擦耳崖金天洞仄徑左虛肩每右觸兩腔  
交摩恆憂失足探日月崖至仙人砭下臨不測幾不  
能容跡東顧翠嶂錯愕如雲湧可望不可卽曰王刁  
山蓋古王遙刁自然隱仙之所嘗鼓五舌簫相和而  
歌至今人未能開道訪其遺踪猶一太古天地也余

嘗謂名山漸經開闢亦天地所不欲塵海滔今古何極尚留一片以還鴻濛烏不可必欲盡淪塵網何

哉

朱文

倍萬樓  
鑒藏法  
書畫印

朱文

第八頁

本孝 白文

培之朱文

設色

所藏

蒼龍嶺蜿蜒天矯若自天而挂首尾莫測其脊隆起石質五色鱗鬣皆張而苔氣腥滑尤難卓足或雲斷或雪封濯以雷雨籠以霜月愈難馴不可上矣近有好事者少夷其背衛左右以石闌高尺許庶可竦背下視杳茫然不時猶懼天風吹落也嶺領有古柯僵立曰將軍樹蓋亦古曾封秩者更上為宗土祠旁為



香鑪山左則玉女峯也洗頭盆凡三坎各丈許水深  
一二尺澄碧甘美子則漸盈午則漸虧較若呼吸天  
地消息自然之理于靈嶽固昭二若此洗心坪亦有  
坎如頭盆凡石上多若蹄泔皆盈二可掬足沃煩渴  
聞它嶽皆不能有也 破琴 朱文

曾藏戴朱文  
芝農處

第九頁 寫心 朱文

設色

玉女峯及東峯之腰東峯一曰明星峯其陽則仙掌  
見焉掌痕所及石皆金色曉日射之燦然奪目其陰  
則蒼檜蔽日峻阪下有亭傑然皆鐵質也中有鐵奕  
子大如斗且無數至者亦希回窺雷神洞云天欲雷

轍煙出如突崖上曰朝元洞有石闕跨飛泉淙二闕  
左危峯巔橫石梁山風四鳴甚厲石梁外卓縣巖如  
削上薄霄漢下視不能極其底巖腰亦啄鐵橫片木  
與青牛臺同而長則數倍之片木窮處阪下峻僅一  
綫達巖唇口中含一屋見嶽東北一帶山巖額上有  
擘窠大書曰金真巖不知昔何從得運刀筆也天地  
固多奇而人復嗜險若此其仙人佼儔也耶

畫白文  
體

翰墨 白文  
軒主人

第十頁

朱文  
水墨

避召崖在南峯左跼石複褶間構短簷可居昔希夷



先生避召于此南峯曰松檜峯一曰落雁峯中爲金  
天殿頗視黃河可以足蹴也上窺星辰倍明且大豈  
去天果近耶古人謂呼吸可通帝座不身置其上不  
知也極峯有仰天池黑龍潭老子殿無有與並高者  
矣外一峯曰孝子峯頭有屋出雲表然亦不知孝子  
何名也下南峯右臂爲鍊丹臺鐵鼎猶存側嶺有昌  
黎祠後人以其不能至者祠之以上以慰校書之志

云耳

臣本朱文  
布衣

戴植朱文  
祕玩

第十一

頁水墨

手摘蓮花探海日好垂雙足弄黃河不知張楷輕相

妬霽却蒼茫一半多

本孝

迨谷

朱文

翰墨軒芝道人世養

朱文

觀巨靈跡撫七星樹過鎮嶽宮故址玉井在焉手酌  
一瓢飲之真異乳也道士復敲石火瀾而餉我出山  
中黃精松實充盤核是豈易得哉玉井源深不可測  
潛瀉為飛潭歷數凡廿有八日廿八宿潭浸蓮花峯  
跟盤旋為瀑布挂西峯直下幾千仞復貫入崖腹狀  
隱不可見蓋玉井如人華池能灌通體然後會尾聞  
而出有至理存焉矣西峯有巨石中判曰開闢石上  
冠石狀如兩掌交覆而含虛其中登者踞脊入臥瞰

輾轉曰天羅網云

離砂

白文

培之

朱文

所藏



第十二  
頁設色

騎驢我自入關來仰見金天樓觀開歎李靖書眞落  
拓想高皇夢果崔嵬怪柯指是青牛柏斷跗封殘白  
帝臺卧看碧蓮秋氣冷忽驚飛瀑挾晴雷 本孝

傳朱文

培之朱文  
鑑賞

西嶽王形如司寇冠甚肖也廟製嵯峨壯麗甲天下  
前舞鳳樓五色璀璨輝映仙掌冉二欲動白帝宮前  
墀碑石林立唐宋有僅存者上之皆不可見矣古柏  
亦漸彫伐惟青牛柏獨幹輪囷彊立貌尤古異抱槐  
柏腰束鐵帶枯苑各半而槐猶育其中無恙也中殿

嶽神貌莊偉清肅殿後爲萬壽閣中奉高皇帝夢遊  
畢嶽記於其上閣上西嶽觀雲煙變態倏忽萬狀秋  
瀑驚飛玉蓮迸落對之尤奇非世間六法所可方物  
者關同范寬輩筆法皆以太畢爲真本余家貧不能  
得見古人名跡不知古人真本何嘗一日不在天地  
間但識其意者寡耳世人見域樊籬此圖當足致誚  
敢以質之同好少佐卧遊可也右圖十二戊申九月  
鷹阿山樵戴本孝畫並記

本朱文 齋朱文  
孝

芝農 朱文  
祕玩

戴本孝水墨山水軸



紙本高三尺廣一尺六寸四分

我我齋 朱文

一片秋光頗自如竹籬茆舍足幽居  
山中日逐渾無事  
看水歸來又讀書  
甲戌秋八月畫于蒼翠山房

鷹阿山樵本孝 本孝 白文  
口 不可辨

張壺山山水冊

紙本八頁每頁高七寸七分長  
五寸六分對題四頁高長同

引首二頁高九寸四分  
共長二尺六寸六分

賜良白文  
子樣  
章  
綬衡  
白文

雲巖結賞 四大

老逸史朱曹題

宋曹白文  
私印

第一頁

水墨

章綬 白文  
銜印

壺山 朱文

第二頁

水墨

壺山 朱文

章綬 朱文  
紫微

買山無力倩揮毫客舍聯吟詠楚騷何日扁舟岑水

上半亭松雨聽秋濤 家滌存大兄自辛未夏來游

邗上與余久同筆硯嘗道故鄉風景輒為神往今復

下帷城東偶獲張穉恭先生畫冊屬余題詠漫成數

句異日歸至岑山當出此冊以為佳話耳戊子立秋

後二日并江壩識

程 白文  
橋 午 朱白文

章綬 朱文  
伯處

第三頁

淺絳

壺山 朱文

紫 朱文  
伯

第四頁

水

壺山 朱文

章綬 白文  
銜印

章綬 朱文  
寶所得



第五頁

水墨

壺山

朱文

紫伯

朱文

朱文

朱文

山外還多山外山  
此中雲水自閒閒  
二已知不似桃源  
路何處扁舟得往還  
丁丑十月蘇全許題於半百

尺樓

蘇白文

朱文

父祖事

第六頁

淺絳

壺山

朱文

章

朱文

鑑藏

逸史

朱文

干峯萬壑遶襟期多少閒雲憶故知塔下瀑泉山外閣秋風樹二起相思丁丑小春耕海潛夫曹

宋朱文  
曹

陵歟  
白文

第七頁  
淺絳

壺山 朱文

章綬 白文  
銜印

第八頁  
淺絳

壺山張恂

朱文

壺山

朱文  
紫朱文  
伯

秋來吟望興逾便卜築山阿小屋偏近日松濤風雨

急滿溪黃葉舞蒼煙 戊子秋口柿軒鄭宗用題

鄭慕倩山水冊

半癡 朱文

紙本共十頁第一頁  
高六寸五分長八寸

某邊

甦 朱文  
殘

對題高  
長同

清影梅魂瘦寒驚鶴夢醒唯應林處士相賞出巖扃

海住金甦

金甦 白文  
兩未



第二頁  
高長同

峯頂

慕倩 朱文

對題高  
長同

玉鉤如可掇身在最高峯松壑還臨眺陰厓宿霧重

金銓白文 雨朱文  
之印 未

第三頁  
高長同

堤畔

殘 朱文

對題高  
長同

堤柳誰攀折依稀見舊痕濛濛煙影下應有別離魂

金銓白文 雨朱文  
之印 未

第四頁  
高長同

竹裏

甦  
殘  
朱文

對題高  
長同

獨伴此君居何人款扉問良夜自沈吟試聽風篁韻

海住  
白文

第五頁  
高長同

湖心

鄭改  
之印  
白文  
慕朱文  
倩

對題高  
長同

秋晚岳陽樓干帆估舶收湖光明不定神女弄珠遊

金甌  
雨未  
白文  
海住  
白文  
圖書



第六頁  
高長同

石上  
慕道 白文

對題高  
長同

翠壁倚巒岼藤蘿散清影想像杜陵人感秋詩思冷

海住 白文  
金姓 白文  
雨未

第七頁  
高長同

舟中  
甦 白文  
殘

對題高  
長同

澹二水煙生楓林葉初脫江練影微茫遠山橫一抹

金甦 白文  
雨朱文  
之印  
未

第八頁

高長同

林下

鄭政白文  
之印

對題高  
長同

隔岸疎林好長留一片陰人家臨水住煙靄望中深

金甌白文  
雨未

海住白文  
畫書

第九頁  
高長同

亭側

甌朱文  
殘

對題高  
長同

秋浦斷行舟孤亭送清夜颭影入虛檐木葉蕭蕭下

金甌白文  
之印

雨朱文  
未



第十頁  
高長同

松間  
鄭畋 白文 慕朱文

對題高  
長同

今雨堂  
朱文

半夜濤聲歇扶筇破冷煙沈二飛蓋影正陰兩驪仙

海佳  
白文 金性 白文

雨未

鄭畋字慕倩歙人善山水工書嗜理學有拜經齋致  
道堂正己居等集見歙縣志愚嘗見畋詩集多幽憤  
之詞蓋亦明季遺民姜寶節徐俟齋之流也光緒十  
五年孟冬潛園識

錢仲芳山水冊

金箋本凡八頁高八寸二分廣九寸六分對題絹本八頁高廣同

第一頁

設色

錢葵白文

仲朱文

之印

芳

對題

同卷 朱文

此子當寘邱壑中謂是風神恬淡與邱壑相宜耳若夫繪事雖云小道却須寘邱壑胸坎中方許 筆仲芳落落穆穆十山五水久具鬲間觀其墨瀾墮處所謂恕先在焉呼之欲出惡俗子亦復啐二吮筆真形



穢矣 魏學濂識

印 朱文  
魏學濂 白文

第二頁  
水墨

山口文

對題

奔泉自放雲中高一尺爲溪勞并刀周以水屋在沙  
要長波忽動林秋毫自非胸中有江海何處千峯日  
相待入意長從無見先中坻宛似隨霜采春容流黛  
空荆關爾阿爾壑非一間只今大滌插天表平牕望  
欲無他山 庚辰至日黃鼎題

黃鼎 白文  
之印 平立 朱文  
居士

第三頁  
設色

次朱文仲朱文  
公芳

對題

鳳鳳

白文

真山水要似畫必有不可登臨處乃爲奇曠畫山水  
要似真使人玩之可游可居乃爲真適品酒者曰三  
日不飲便形神不親又曰酒令人遠親遠二義卽不  
可登而可游可居也畫家三昧乃在醉鄉乎每攬吾  
仲所染便欲移家其中及展是冊亟呼童子携我酒  
具茶鐺并擔書笥畫簾往仲家墨莊上去但恐有舟  
可捨無津可問 仲冬望日題 仿村梅

彦朱文錢伯朱  
林子口文



第四頁  
設色

錢茶  
朱文

對題

命菴  
朱文

入道未深深山難住聊住此蹊口山腰山頂杖履時  
至明月清風往還無已思得一人其語非仲芳不可  
也  
藝菟老子陳梁書  
臣朱白文  
梁則白文

第五頁  
設色

仲白文  
芳

對題

每對湖山算買山買將身置畫圖間年來省作無錢  
計自畫雲林著老頑此窮措大無聊之思耳仲芳坐  
擁百城神遊八極晤言嘯歌自令眾山皆響宜其含  
毫灑墨超然物表非庸工所能彷彿也 偈庵老人

程嘉燧書時年七十有七 孟陽

朱文

第六頁

水墨

次公白文

墨口

對題

海虞

朱文

西谿梅花千萬樹低亞凝明塞行路永興兩樹最淖



約素豔孤榮。自相顧。飄黃拂綠。傍香樓。春寒日暮。含  
清愁。依然翠袖修竹裏。遙憶美人溪水頭。徙倚沈吟  
正愁絕。見君畫冊思飄瞥。開懷落仁生雲山。觸眼紛  
紛綴香雪。羨君畫高神亦閒。趣在蒼茫近遠間。仲圭  
殘墨潑武水。子久粉本留虞山。我將梅花比君畫。月  
地雲階吐光怪。乞君揮灑墨汁餘。向我蕭閒草堂挂。  
草堂深柳淨無塵。淡墨疎牕會賞真。還將屈鐵橫斜  
意。舉似凌風却月人。二月九日再過永興寺梅花  
爛發。髣髴有懷適仲芳寄畫冊索題。戲作短歌書於  
紙尾。并與彥林發一笑也。錢後人書於西溪。

舟中

謙朱文

斟雅白文

第七頁

水墨

潔叟

白文

對題

余嘗謂好事家不必作園買一舟往來山水間何止  
名園十百今又謂不必舟得一好畫冊攤几案間何  
止山水十百所謂守約之妙也仲芳索居大滌胸中  
淡曠之致不覺從筆端映出示我此冊卽日取去爲  
之惘惘將不欲省我買舟費乎 庚辰冬仲曹勳識

曹勳

白文

峨白文

之印

雪



第八頁  
設色

庚辰冬日畫於滌山堂中

潔園錢棻

錢朱文仲自  
芳

對  
題

漱清閣 朱文

此余初學畫筆也於六法未曾夢見而諸公謬相歎  
賞以是留篋中十年所今 邑侯劉欽中先生以讀  
禮行欲灑片墨爲別而卒卒未就爰出此贈之余畫  
雖不足觀若孟陽三吳高士虞山代間鉅手其詩句  
翰藻自可玩寶卽魏庶常及家司馬其遺墨亦有足  
存者請當大錢之獻何如 庚寅八月朔錢棻再識

錢朱文

仲白文

芳

穰梨館過眼錄卷三十終



穰梨館過眼錄卷三十一

歸安陸心源伯剛甫編

項易庵仿古山水冊

絹本十二頁每頁高八寸三分長七寸四分

第一頁

青綠

春來遍是桃花水不辨仙源何處尋 仿趙大年漁

口夕照圖

孔朱文彰

第二頁  
設色

往時家住篋簾谷丹鳳之寶美如粟玄雲翻空墮秋  
影昆吾寶刀削寒玉河朔歲晏冰爲梁羣木鱗皴臨

雪霜遲汝狂飈莫吹裂擬將雅瑄登明堂  
寒林小景爲吾郡汪氏藏物因購千金冊從求得之  
此仿其意略得形似竊愧高古處未易學也

項印 自文 聖謨

存二朱文 居士

第三頁

青綠

仿劉暗門雲溪書屋 屋裏青山屋外溪水流雲度

坐中知繁花翠竹春來好古木蒼藤晚更奇教子讀

書兼學稼留人炊黍復烹葵鹿門風景青門趣都在

斜陽靜對時

聖 白文 暮

第四頁

青綠



友竹 朱文

迴崖列岫巒相連萬仞峯頭思渺然飛鳥半翔雲樹  
表野梅猶放夕陽邊 燕文貴吳興人初師河東郝  
惠往來京師宋太宗命寫相國寺圖遂得盛名予家  
所藏振衣千仞岡立軸乃其真蹟也茲率擬之 易

菴

存二 朱文  
居士

第五頁

青綠

負郭幽居如画裏繞溪春水綠迴環樹連烟外啼猿  
寺門對湖中過雨山送客馬嘶清蔭去鈎簾鳥度落  
花還十年奔走風塵際肯借憑闌一日閒 此予數

年前舊作也偶錄画上古胥山樵訪許道甯江干

新漲圖

孔朱文

第六頁

青綠

古壑高賢

仿松雪翁

孔朱文

第七頁

青綠

古苔十畝青山鬱秀平岡濃綠清風時灑秋香扶杖

往來相熟

仿馬文壁平林晚眺圖卷中一角

易

第八頁

青綠

松巖激澗

仿范中立画

聖白文

第九頁

青綠



霽色青蕪外乘間此獨幽雲深迷失樹山近不爲樓  
將欲邀僧共還期與客游画成聊自喜借屐擬相求

仿唐子華雲溪燕坐圖

聖  
白文  
暮

第十頁  
青綠

濕翠浮草芽空青散林杪輕舟理橫塘歸人渡清曉  
棲鴉返故巢潛鱗躍新藻倒景淡斜暉迴飈蕩晴昊  
斯境殊悠然朱顏常不老 仿盛子昭夏山過雨圖

并題

項印  
白文  
聖謨

第十一頁  
頁青綠

東山淑氣曉環翠楓葉殘陽晚映紅物我兩忘真

相聚笑談中  
紅樹青山仿趙仲穆畫

聖 白文  
暮

第十二  
頁設色

瑤宮銀闕

仿馬遙父峨嵋山圖

孔 朱文  
影

丁丑仲冬仿古十二繡於鴛湖美珠樓易菴項聖暮

聖 白文  
暮

項易庵三招隱圖卷

引首紙高一尺二分  
長四尺四寸一分

隱居放言

崇禎十有七年正月晦易庵居士自題

項 聖謨

朱文

別號  
易庵

白文



圖絹本高一尺零三分長九尺三寸一分

恨古人不見我

朱文

別號 白文 易庵

三招隱圖

易庵項聖謩画

泥金篆書題石上

隔水絹本高一尺零三分長三尺三分

此余甲申正月所畫三招隱圖并作隱居詩三十首  
自書卷末而不善藏是歲三月十五之夕爲司硯奚  
兒負之而走大索竟月而不可得未幾遂聞國變南  
北流離干戈四起悲憤痛哭之餘每一念及以爲此  
卷必浮沉于無何有之鄉卒難再見明年夏自江以  
南兵民潰散戎馬交馳于閏六月廿有六日禾城旣

陷劫火熏天余僅子身負母并妻子遠竄而家破矣  
凡余兄弟所藏祖君之遺法書名畫與散落人間者  
半爲踐踏半爲灰燼何況斯迹之有無存亡論也茲  
丁亥十月偶寓武塘之梅華里卽寢食和尚塔前得  
微和尚之靈忽遇奚兒于里中已爲僧矣始猶怒其  
背主而數叱及願歸是卷意稍解又越朝夕獲還舊  
觀喜而不寐篝燈就題噫斯卷若存于室亦必亡之  
幸而先出吾廬得無恙也可見一物之存定有先兆  
大劫之後豈易得哉留之笥中歸與妻孥作佳話是  
月十二夜旣寤復起題之項聖謨



第一接紙高一尺  
三分長四尺二寸

自題三招隱圖隱居詩三十首并序 余嘗畫前後

招隱二圖一紙一素一墨一采竝皆長卷積之歲月

而成此卷爲甲申王正試筆之第一課也蓋以野馬

易馳聰明不待漆程難算食寢徒縻乃閉門靜攝神

游三昧之中橫卷濡豪心會千載之上夙而興夜而

寐定省之餘井臼之外心無住思手無停管取無疑

物神以遇之而無沮色或數寸或盈尺或尺寸而倍

之日落秉燭以窮其興得意處不問寒暄不苦雨不

聞雷不辟風不見雪十指旣僵之不知雙眸如曜之

不辨如是饑渴并忘者幾二浹旬此圖始成方念荆  
楚衡陽之近事又當浙越搖搖雖幸不日凱聞于斯  
世也而深有所慨焉命之曰三招隱圖記此與後招  
隱卷匹練平開其絹素廣長一色也卽按沈約上下  
平韻賦得隱居詩三十首以寓形影自爲問答之意  
至夫自相嘲解自相歎美處則又自相鼓動思與畫  
中人爲一流人物也豈真隱之可招耶豈真應招者  
之能終隱邪抑又招者之真能忘世邪特一時之寄  
言耳易曰天下有山遯謨固有遯而無山之可隱也  
夫隱已又何招焉曰招者將謂同人于野之義也乃



客有聞而戲之者云君家固多青山在掌握中盍以  
賣山錢而買山乎宜乎川嶽之儔與君神遇而先傳  
出也彼且招之久矣余因大噓而謝之繪畫游戲事  
也此圖非游戲而命之詩又非游戲而詠之卽謂游  
戲也余與詩畫相漸以磨殆四十年曾不相尋可謂  
翰墨之功臣矣公惡惡出言之戲也又胡談之易易  
也嗟嗟猶今之談天下事者是皆舌劍唇鎗墨兵筆  
陳惜何蓋乎余固多所不知則亦多所不談也已耳  
客唯唯抱慙而退旣去余將廢茲以謝多口展卷尋  
繹六合之內必有眞賞更當留以正諸知者卽不輕

出視人存以自策有何不可神定乃書勵厥初志

易庵項聖謨詩書畫

隱居何所謂謂先生之風上下千百載逍遙翰墨中  
翩翩凌逸翮彷彿青霄鴻 隱居何所學學圃而學  
農圃日可以給農年無弗逢蟬鳴兮知夏木落兮知  
冬 隱居何所適又不合時腔且養林泉氣毋汗雪  
月窻甯甘人棄獨已踞世無雙 隱居何所隨二處  
相與期流水清思路和風振羽儀行雲誠可玩亦足  
以揚眉 隱居何所非非想非非非想到非非去還  
從得得歸靜中參自在應日掩柴扉 隱居何所居



居此人境廬非獨行自潔卽方舟而漁吾惟不失我  
又誰毀誰譽 隱居何所用用有抑用無用有恒不  
足用無或有餘乃知無用妙其道在如愚 隱居何  
所尙尙古之可稽世道曷其薄物情靡不齊鳴鳩識  
時務相與望雲霓 隱居何所感感誰可與偕因悲  
同血氣豈敢放形骸終固青山約毋輕白骨埋 隱  
居何所事事二 欲嬰孩讀書猶學語舉止若含胎不  
見保身者娛親有老萊 隱居何所見 又 彼蔽天塵  
飛鳥無歸路行舟莫問津思君徒鬱二 艸艸莫非臣  
隱居何所聞聞人所不聞巖花香落澗谷鳥舌流

雲更聽溪魚夢醒來無亂羣 隱居何所別別不有

乾坤同此鑪錘地莫非鉛汞根琴書與耕織隨分養

兒孫 隱居何所有有谷而盤盤槃澗詩無削衡門

夢亦安自亡榮祿艷信是碩人寬 隱居何所關關

係出處間朝市甯無隱藪陵孰官閑久懷同志叟以

往而已還 隱居何所先欲埽塵緣正非忘世者

而若廢人然悲憤竟無益不如高枕眠 隱居何所

聊聊以免漂搖不見風波惡如同灰燼銷幾多炎燄

冷畢竟讓漁樵 隱居何所交二麋兮而庶自聞猿

狡獪益畏帟咆哮羣非旣不可奚穴而將巢 隱居



何所勝勝在吾所操異類亦有愛微軀仍不勞寄言  
遠害客立地必須高 隱居何所好好彼嶺上蘿半  
映草堂雨不遮邨落禾青煙散如幄凝坐起悲歌

隱居何所誇誇有菜與麻日靜牛羊乳人來雞犬嘩  
園蔬和露摘養竹爲供茶 隱居何所藏藏無圭與

璋折鼎聊存古殘編儘自香甕中春色滿不共俗人  
嘗 隱居何所盟盟弟而盟兄異姓終人合同枝幾

玉成若論隱者意到處欲逃名 隱居何所得得志  
在櫻甯碧落紅塵界青山白鳥經只看征路苦盼斷  
短長亭 隱居何所寘寘是一庵燈火活長明夜心

降不解冰間誰機似水隨處喜逢僧  
隱居何所修  
修却幾多憂天下非完世人間那破愁況當今日事  
摠不及扁舟  
隱居何所守守此誰山林王侯多第

宅燕雀幾浮沉更慕東籬主悠然寫素心  
隱居何

所談談虎意耽  
變色聽非怒聞風氣欲餒請談平

淡語不醉也清酣  
隱居何所占占三初九潛待時

以變化退躍而遊恬永遯亦无悔或進擬鴻漸  
隱

居何所樂樂無嫉者讒引節翻翠壁安枕傲雲巖誤

看松際鶴日出辨飛帆

項 朱文 別號 白文  
聖謨 易庵

第二接紙高一尺零  
三分長四尺零六分



重題三招隱圖詠三十韻

此余甲申正月所畫三

招隱圖并作隱居詩三十首自題卷末而不善藏是  
歲三月十五之夕爲司硯奚兒負之而走大索竟月  
而不可得未幾遂聞國變南北流離干戈震動悲憤  
痛哭之餘每一念及以爲此卷必浮沉于無何有之  
鄉卒難再見明年夏自江以南兵民潰散戎馬交馳  
于閏六月廿有六日禾城旣陷劫火熏天余僅子身  
負母并妻子遠竄而家破矣凡余兄弟所藏祖君之  
遺法書名画與向昔散落人間者半爲灰燼半爲踐  
踏何況斯迹之有無存亡論也茲丁亥十月偶寓武

塘之梅花庵卽寢食和尚塔前得微和尚之靈忽遇  
奚兒于里中已爲僧矣始猶怒其背主而數叱及願  
歸是卷意稍解又越旦夕獲還舊觀喜而不寐篝燈  
就題噫斯卷若藏于室亦必亡之幸而先出吾廬得  
無恙也可見一物之存定有先兆大劫之後豈易得  
哉留之笥中歸與妻孥作佳話是歲十一月詩成不  
暇書此又明年戊子六月積雨如秋并前跋補書于  
此云

自寫隱居樂失之醉夢中得之還似夢守此當奇功  
轉念山河影猶存處士風 自寫隱居志原無迹可



蹤不圖殘墨在如與故人逢笑看林泉色依然還素  
封 自寫隱居日先機識亂邦三招人笑我一變血  
橫江國破茲仍在傷懷莫可扛 自寫隱居詩悽然  
誰所知百年如瞬息一字幾憂時只爲謀生拙徒勞  
肥遯思 自寫隱居好未曾一壑依空言竟何益亂  
世與誰歸得此還三歎娛情亦療飢 自寫隱居事  
何端不可書喜茲存一說聊復覩三餘靜對虛窻水  
悠然樂只且 自寫隱居圖朝夕將自娛一夜雲霞  
散四秋形影孤忽乘寒月色入手似明珠 自寫隱  
居題宛然如昨兮細吟隨澗落高視覺山低寂寂衡

門下連邨唱午雞

自寫隱居境天涯與水涯山中

猶太古民處是無懷不見披圖客蕭閒似吾儕

白

寫隱居來雄心早已灰床頭雲自在石面月重開別

有興懷處數聲鴻雁哀

自寫隱居人深山必有隣

地靈無暫主時泰得常賓此是何時地多爲瀟灑身

自寫隱居意意中多白雲禽魚何渙渙蜂蝶覺紛

紛不道花如錦春風已夕曛

自寫隱居門幽栖似

遠村松風一解帶城韻幾銷魂圖史猶秦刼茲因方

外存 自寫隱居後乾坤日夜殘圖中誰面目影裏

漢衣冠若按江山景何時復舊觀

自寫隱居處早



知國事艱羨魚徒汎汎因牧且閑閑今謂余先識逍  
遙治亂間 自寫隱居前廿年松下眠晨炊燒落葉  
暮飲釀寒泉不覺蹉跎過令人思黯然 自寫隱居

始逢人孰可招畫仍還鼓吹詩或寓芻蕘多少王侯  
骨空悲一旦銷 自寫隱居巢戎馬未生郊一時爭

闢壤無地可誅茅那得林泉日還爲自解嘲 自寫

隱居路神遊不憚勞安知漁子楫弗問武陵桃探得  
梅花信寒香擁布袍 自寫隱居迹雪裘而雨蓑問

農何播種供我細吟哦不意人煙改虛教歲月過

自寫隱居耶咄哉事可嗟幾人從采蕨何處好乘槎

謫向竹籬下荷鋤且種花 自寫隱居鄉中原作戰  
場浮雲皆慘淡驚鳥尙徬徨何日干戈息同人謫擷  
芳 自寫隱居成一似賦閒情不答漁樵意如圖嵩  
誌名千秋神印合抵掌渡蓬瀛 自寫隱居色無山  
不送青碧溪環巨野紅葉點虛亭紫綠相輝映茆堂  
列翠屏 自寫隱居地木石多良朋時顯而有晦日  
沉而必升但隨時以息待日觀雲騰 自寫隱居樓  
八窻暖翠浮士商從子好耕織與妻謀苟免饑寒色  
人間何所求 自寫隱居心如夢到于今故國危亡  
久孤臣離亂深終朝猶度歲長夜幾呻吟 自寫隱



居了擇林添半龕不留羽客話卽放髮僧參一任他  
山頂朝昏布遠嵐 自寫隱居看傍觀心亦恬神馳  
先注目句得便掀髯會有牧童在歡呼識酒帘 自  
寫隱居歇心心在石巘數年流落去今日又重函志  
喜還題詠從茲口欲緘 伏月十有五日常于松陰  
梧影間 古胥山樵項聖謩識

同里後學錢載八十三歲觀

錢自文  
載

萬松朱文  
居士自文

項易庵廣壇松石圖軸

紙本高三尺五寸三分  
廣一尺六寸二分

明松 朱文

崇禎己巳秋夕嘗夢九疑翁中庭有廣壇古松鮮花  
奇草竹石秀麗謨與翁游息其下既而珂雪相與  
盤桓忽聞清嘯而覺餘韻宛然在耳知為李氏之嘉  
徵也悠遠博厚茲立以應鐘之始圖夢中之景以持  
贈焉九月廿又三日識項聖謨

項聖謨 朱文 孔 自文  
摹畫 影

項易庵松石軸

紙本高二尺六寸七分  
廣一尺零二分

古幹倚蒼雲碧髯發清嘯千載有森陰亭亭映秋嶠

項聖謨

聖謨 自文  
之印 逸市 書畫 自文

項易庵山水軸



紙本高三尺四寸四分廣一尺五寸九分

博雅 朱文

石面迸出水松頭穿破雲余極喜此二語 甲午驚

蟄三日爲

嗣口吾甥補圖

聖謨并識

素  
孫 朱文

晉山  
樵頭  
伯子

自文

項氏

朱文

項印

自文

聖謨

項易庵松泉軸

紙本高五尺三寸六分廣二尺一寸七分

松陰墮空翠泉響奏飛口

辛巳蒲月寫項聖謨

項印

自文

項聖謨

自文

孔彰

氏

自文

項易庵竹軸

紙本高二尺八寸二分  
廣一尺一寸三分

朗雲 朱文

六月鳴恠風發發幾晝夜松梧不絕聲何曾似長夏

一 三年茗始華旱魃復爲虐無力御狂風新蕊多吹

落 二 皦日何炎炎大風何冽冽石背幽草黃北窻青

竹折 三 碧天飛絳雲虹影見還滅怒目射虹光渴欲

飲虹血 四 蟲蟲積氣隆赫赫餘威赤青苗葉半黃餉

婦顏全黑 五 雲漢夜昭回嶧星照庭戶酣歌冰帳人

誰知田畯苦 六 日暎土云崩田中耘者死萬姓皆惶

惶官府誠禱祀 崇禎壬申六月久旱偶作此詩錄



之以識歲月云項聖謨

項孔彰詩畫

白文

梧石

長

項印 白文

聖謨

項易庵倣文與可晚靄圖軸

歸安李氏藏

紙本高二尺七寸五分廣一尺

抗心希古 朱文

文同晚靄橫看卷山水依稀記深淺二十年前曾細  
觀至今心目能游衍往來夢想神欲移筆端微露人  
莫知个中縹緲杳難覓只在人間繫所思向傳此卷  
歸黃土以爲絕世無規矩不圖今日得重看如遇故  
人心尙古坡翁學竹雖老成未見湖州此卷精山谷

老人題亦爾咄嗟不改舊陰晴林亭人物宛然在村  
落風煙曾不晦世上江山非昔時紅塵白雲犬爭吠  
樓臺隱隱結芳叢泉石悠悠發遠空舟楫茫茫非避  
迹松楸落落動神功浮嵐淳起峯半逸鐵畫如絲墨  
如漆因欲縱意窺全形展卷百川疑湧出沉沉巖岫  
夕陽天幾度春秋見朝日古胥山樵項聖謨因重  
觀文與可所畫晚靄橫圖卷乃作此篇好事者索余

彷彿并書

項印

自文

易朱文

文南雲設色山水軸

紙本高二尺五寸二分  
廣一尺四寸七分



碧梧依舊長新枝綠影翻堦日正遲料得深山無客  
過與僧相對話多時 華落溪流又送春板橋斜渡  
隔紅塵梧桐修竹散亭外消受清閒有幾人 丙辰

立冬後三日寓東院題

文點

點

文

竺塢

自文

文南雲枯木竹石軸

紙本高二尺八分  
廣一尺二寸一分

蕭疎古木見天真翠長蒼苔綠玉新恠底幽篁知物

候修修叢發比高人

庚申春二月

文點

點

自文

竺塢 自文

楞齋

朱文

章  
紫伯

朱文

鑑威

文彦可傲黃鶴山樵夏日山居軸

紙本水墨高二尺六寸三分廣一尺零九分

蒼巖古樹鎖雲煙濤松鶴語暈幽然睡起攤詩成獸

坐風光都在曲闌前

雁門文從簡

文印 夏彥朱文從簡可

徐侯齋小影卷

紙本高九寸三分長三尺二寸四分引首高九寸二分長二尺一寸六分

畢潤飛 朱文 祕篋印

湖上高風日闔苑耕夫王曰圻

王曰 朱文 闔苑耕夫 朱文

侯齋姻長道兄囑寫相松禪解圖

養和 養和 朱文

第一接紙高九寸二分長三尺六寸七分

橫山 白文 主人

道何所道蒲團卽是名何所名蒲團卽非惟是與非



質之卷書卷書何有天地秘機秘機何言乾坤五行  
範圍不過運於無形惟吾澗翁揮之掌上而應之無  
心或以爲飲酒賦詩之元亮或以爲公明之再世而  
景純之後身 弟已哇爨拜手藁

臣白文燮

蒼松百尺蔭清流嗒爾眞從造物游隱德時稱同碩  
果坦懷人愛似虛舟論竒未怕山川語詩好渾教花  
鳥愁更羨詒謀能式穀高風瀟灑足千秋 霜林金

侃敬題

金侃 白文 亦朱白文 私印 陶

神僊中人不常有省識畫圖難釋手修髯廣額氣藹  
如昔者相逢是翁否翁雖不荅坐箕踞隱德詩才欽

已久即看潤上立雙松陰覆石牀欲成畝著書發揮  
景純祕不惜纖毫細心剖書成獨不藏名山傳之人  
間永不朽臨窻捉筆為惘然掩卷春風上花柳海

栗居士文淵題

顧淵白文 仲離朱文  
之印 山人

第二接紙高同  
長七寸八分

樗菴 朱文

發天地之靈奧準陰陽之定則搜五行之精微系三  
才以並立驗消長以時日遂著書而成癖是翁也少  
好遨遊遍走黃山白嶽老歸茂苑既葬親而築室交  
遊滿于吳會曾結香山之白社詩篇膾炙于人口宛



似潯陽之隱逸余雖與翁有傾蓋之雅恨未能窺其  
秘笈今見小彭深深寂寂笑貌儼然呼之或出 竺  
塢南雲山人文點題

竺塢  
文點

自文

吾與  
點也

自文

第三接紙高同長  
四尺三寸五分

平生踪跡遍名山著述惟倫老去閒心愛長松同性  
石寫真甯肯近人間 濯濯丰姿藐若仙蒲團趺坐  
不叅禪已知蟬蛻居蓬島世上爭看詩句傳 龍眠

潘仁樾拜題

潘印 自文  
仁樾

澹蕩襟懷蕭閒情性不忤不求天真獨任山水緣深  
窮幽搜勝紀游以詩載歌載詠立說著書黜邪崇正

愛酒伯倫詠諧曼倩古貌古心月明水映披覽此圖

誰不愛敬 深園姚孔鉉拜題

姚孔鉉 自文 晚 朱文 鉉印 修

懶向宗門去學禪蒲團靜坐展瑤編數精河洛窮三

古術異京焦燭九淵逸興每從塵外得好詩偏向醉

中傳巍然道貌今如昨滿楮春風望若仙雲間趙慎

徽拜手題

趙印 自文 折 朱文 慎徽 公

豁晦託林泉卓試追往古抱負自不凡甯為風月主

攤卷蹴趺踟爽氣見眉宇披圖侶逃禪高蹤誰接武

蘇門萬澐拜手題

蘇門 朱文 其人以 樂善 自娛 自文

松濤石澗靜無塵一卷青烏見道真默坐澄觀誰得



似其欽參究學精純 高懷不受塵緣縛到處歡迎

座上賓痛飲狂歌無俗韻始知天壤有遺民 二瞻

查士標拜手題

士標 自文 二 朱文 瞻 私印

亮節高風越古今百年文望有嗣音疊山艱苦唐山  
坂姬水零丁澤水潯小隱市廛歸澗上大懷河海識  
初心村夫猶得看遺照日暮空爲梁父吟 六十叟

張宗燾拜稿

張宗燾 字西源 自文 號雙霞

徐俟齋詩画卷

畫紙高九寸五分  
長四尺五寸八分

寒巖松翠

丙寅夏閏月仿董元筆意畫於澗上草

堂俟齋徐枋

徐枋之印

自文

俟齋昭法

自文

徐俟齋書記

笠山笠

朱文

居易

自文

水間

堂印

詩紙高同長  
三尺零八分

雪牀菴

朱文

天涯芳草滿平原  
踏盡芊綿碧浪痕  
聞說真人函谷去  
阿誰乞取五千言  
青田白羽九天來  
直下層霄步碧苔  
道是薛公傳阿堵  
不知丁令海山迴  
高松謾謾鶴翩翩  
芝草離離茁玉田  
學得長生喜偕隱  
繇來山澤有癯仙  
歷落山家對翠屏  
蒼茫水色接青冥  
片雲低渡溪橋斷  
野老扶筇曾幾經  
澗水遙從



天外來穿林漱石自徘徊  
四圍山色渾無盡百道泉  
聲亦快哉 瀑布每穿幽壑出  
石渠獨跨乳泉行探  
奇滿目飛寒翠不覺浮雲屐底生  
千春綠水渺無  
津萬樹桃花好避秦  
高卧此中堪白首不知人世有  
紅塵 右題畫雜詠二十七絕句之七首  
丁卯新秋

日書於澗上草堂

俟齋徐枋

澗上 朱文

徐枋 自文  
之印

齋 俟 朱文

徐俟齋澗上艸堂圖軸

絹本高五尺一寸  
六分廣一尺五寸

雪牀庵

朱文

上沙在太平靈巖之間其地最勝大樵仰天界其右  
笏林岸聳峙其左在中爲村落斷續近遠不一多喬  
林古藤蒼松翠竹與山家村店相掩映真圖畫也地  
產茶春夏之交則爲茶市櫻筍正熟絲管時聞而茶  
香氤氲如踞香國此爲山中最勝時矣一澗從靈巖  
大樵逾重嶺而來澗聲潺潺水周屋下時而旣過則  
奔流洶湧凝激注如雷鳴澗之派出自爲一村名澗  
上余草堂在焉此又山中最勝處也軒窗四啟羣巒  
如拱空翠撲人朝霏夕靄明滅倏忽可卧而遊又不  
假少文圖畫矣 俟齋徐枋

徐枋

自文

俟齋

朱文

秦餘

自文

山人



笠山笠  
水間

朱文

居易  
堂印

白文

尚友  
齋印

白文

徐伯  
侯齋  
畫記

朱文

穰梨館過眼錄卷三十一



200  
\_\_\_\_\_  
HGT.  
\_\_\_\_\_  
LENG.

C. T. LOO & CO.  
41 EAST 87th STREET  
NEW YORK, N. Y.

NO. 506

HGT. \_\_\_\_\_

LENG. \_\_\_\_\_

寶來創過眼錄卷三十一

和

三



2615-623 v. 29/31

MADE IN CHINA